

Universitätsbibliothek Paderborn

**TRACTATVS|| DE CON-||FESSIONIBVS MA=||LEFICORVM ET
SAGA-||RVM SECVNDÒ RECOGNI||tus, & auctior redditus.||
An, & quanta fides ijs adhibenda sit?||**

Binsfeld, Peter

Avgvstae Trevirorvm

VD16 B 5530

Quinta Conclusio. Tortura debet adhiberi cum moderamine secundum qualitatem personæ, delicti, indicorum & temporis, ita vt moraliter & verisimiliter reus tortus remaneat saluus & illæsus in vita & ...

urn:nbn:de:hbz:466:1-41113

dateum torquere super probatis, debetq; facere, ut talis protestatio appareat in actis.

Quarta Conclusio. *Tortura non est adhibenda in omni causa & delicto, sed tantum in atrocibus & grauibus criminibus, pro quibus de iure vel consuetudine, aut statuto pena mortis, aut corporalis notabiliter affligens infertur.*

DOCTORES in d. L. Edictum. cum textu quando ait : Quæstiones nec semper in omni causa & persona desiderari, &c. sed cum capitalia & atrociora maleficia, &c. Marsil. in Rub. de quæstionib. & ibidem Salycet. & alij. Francisc. Brunus in tract. de indicijs & tortur. 2. part. 3. q. Paul. Grilland. de eadem materia q. 5. princip. Iul. Clar. in d. q. 64. num. 4. & post alios Gomez. in d. c. 13. num. 2. Ratio redditur: Quandoquidem tortura est grauis afflictio, ideo non debet maior pena inferri reo nec conuicto, nec condemnato, quam esset inferenda ex ipsa condemnatione, si reus crimen esset confessus, aut de eo conuictus probationibus.

Quinta Conclusio. *Tortura debet adhiberi cum moderamine secundum qualitatem personæ, delicti, indiciorum & temporis, ita ut moraliter & verisimiliter reus tortus*

tortus remaneat saluus & illas in vita & membris.

CONCLVSIONEM tradunt Bartol. Alberic. Marli. & alij in L. quæstionis modum. ff. de quæstionib. latè Marfil. in pract. crimin. §. Expedita, à num. 85. Bald. in L. i. C. de confess. Gandin. in tractat. malefic. in princip. in versi. Quintò nota. Ioan. Andreas in cap. Cùm in contemplatione, de reg. iuris. Anthon. Gomez. vbi supra num. 5. & alij alibi. Conclusio probatur ex d L. Quæstionis modum. quæ sic habet: Quæstionis modum magis iudices arbitri oportere, itaq; quæstionem haberi oportet, vt seruus saluus sit vel innocentia, vel supplicio. & ibidem in L. de minore. §. tormenta. vers. Sed vt moderatæ rationis tempe- ramenta desiderant. Hinc iustè secundum DD. receptam sententiam repræhenduntur iudices seueri & crudeles, qui nec rationem, nec modum tormentis adhibent, sed volunta- tem propriam sequentes, conscientiam rectam, & ordinatam prudentiam relinquentes, ac va- nam gloriam affectantes, hominibus non ma- gis in tormentis parcentes, quàm deliris & fu- riosis bestijs: ita vt rei sèpè vitam aut amittant, aut tam miseram seruent, vt magis mori quàm viuere saniori iudicio exoptatum foret: cùm ita tormentis aut membra dilacerentur, aut certè debilitentur, vt in perpetuum inutiles sint

Sunt homines laboribus, & nunquam quam
diu vita agitur, tormenta definant.

Sexta Conclusio. *Index in torquendo non debet adhibere modos exquisitos & non consuetos, sed solitos, & à consuetudine approbatos.*

BRVNVS in tract. de indicij & tort. Damhauder. in rerum Criminalium praxi, cap. §7. à num. 17. Franciscus Pegna in 3. par. direct. commento no. Gomez. loco cit. Julius Clarus lib. 5. §. fin. pract. crim. q. 64. n. 36. & alij passim alibi. Est autem generaliter vsu frequentior in multis prouincijs modus funetorquendi, qui etiam solus videtur ex iure colligi. L. Nullius. C. ad L. Iul. Maiest. Hinc DD. Iudices novos & inusitatostorquendi modos inuenientes, aut inuentis vtentes, carnificibus comparant. Et sanè in hoc maleficij criminе durum & inhumanum, imò ab omni humanitate alienum est, quod quandoq; Iudices non meminerint, seagere cum hominibus, quando diros & omni tyrannide & crudelitate plenos torquendi modos adhibent, vt candelas ardentes carni apponentes, aut oleum calidum infundentes, &c. Iudicis enim officium est, iudicio, ratione & discretione vti in his, quæ circareū agenda sunt, & carnifci torquenti modum & regulam præscribere, ne quid nimis fiat, &

Xx ipse